



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

XXIV. De Vesperis & Matutinis pro defunctis celebrante.

urn:nbn:de:hbz:466:1-9459

TITVLVS XXIV.

De Vesperis & Matutinis pro Defunctis Episcopo celebrante.

1. **Q**uia in officiis Defunctorum diuersæ ceremoniæ ab ordinariis ceremoniis obseruandæ sunt, idè de iis hic pauca subiungentur. Et primò de Vesperis & Matutinis Defunctorum.

2. Episcopus indutus cappa Pontificali lanca venit ad Ecclesiam more solito & accedit ad sedem suam, ubi parum sedet, assistentibus sibi solum Capellanis & Ministris de libro & candela, nec non Ceremoniario indicante quid & quomodo agendum.

3. Post pauculum moræ surgit Episcopus, & detecto capite versus Altare dicit *Pater noster* lecretò vsque in finem, & Chorus annuente Ceremoniario incipit Antiphonam *Placebo Domini, &c.* illam integrè recitando vsque in finem, qua finita, & inchoato Psalmo *Dilexi &c.* Episcopus sedet, caput cooperit & sedet quousque inchoetur *Magnificat &c.* à Choro, tunc surgit & stat detecto capite vsque in finem, qua finita surgit & detecto capite incipit *Pater noster* quod secretò complet.

4. Interim duo Ceroferarii comite Ceremoniario accedunt cum candelabris & cereis accensis de cera communi ante Episcopum, & inter eos erit medius minister de libro seruiens, deinde Episcopus cantat *Et ne nos inducas &c.* cum versiculis aliis in Breuiario post vespertas Defunctorum assignatis, Choro respondente, & orationem congruam, qua finita versiculum *Re-*

quiem aeternam &c. Choro respondente Et Lux
perpetua &c. Deinde Chorus *Requiescant in pace.*

5. Quo dicto sedet Episcopus recto capite,
& post modicum moræ surgit capite detecto, di-
cit secretò *Pater noster &c.* quo dicto, adhuc capi-
te detecto Chorus incipit Iuicatorium. *Regem
cui omnia viuunt, &c.* pro Matutinis cum Psalmo
Venite exultemus &c.

6. Cum Chorus incipit Psalmum primi No-
cturni, Episcopus sedet recto capite, & sic manet
quousque dicatur Responsorium Versiculi ante
primam lectionem: primi Nocturni; tunc surgit,
& detecto capite dicit secretò *Pater noster*, mox
sedet capite recto, quousque dicatur Respon-
sorium Versiculi ante quartam lectionem se-
cundi Nocturni, & tunc pariter surgit, di-
cens etiam secretò *Pater noster*, mox sedens
prout in primo Nocturno. Idem facit post
Responsorium versiculi ante septimam lectio-
nem.

7. Lectiones ipsæ cantantur per Cantores aut
alios iuxta loci consuetudinem in tono consue-
to & Responsorialia per Chorum, deinde Psalmi
cum suis Antiphonis pro Laudibus, & cum in-
choatur Canticum *Benedictus &c.* Episcopus sur-
git detecto capite & cum repetitur Antiphona,
Ego sum &c. sedet cooperiens caput.

8. Interim duo Ceroferarii cum cereis accen-
sis, vt ad Vesperas, accedunt ante Episcopum, &
omnia fiunt vt supra in fine Vesperarum, quibus
finitis Episcopus eum aliis discedit, quia
nec datur benedictio, nec publican-
tur Indulgentiæ.